



Indgået

19 JUNI 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Uunga
Niels Thomsen
Inatsisartunut ilaasortaq
Demokraatit

**Ataataasut inatsisitigut inissisimanerat pillugu § 37 naapertorlugu apeqqummut
nr. 2018- 97-mut akissut**

12-06-2018
Sags nr. 2018 - 12176
Akt. id. 8053529

Asasara Niels Thomsen

Qujanaq apeqquinnut.

Ilaqutariit inatsiseqartitaanerannut suliassaqaqfik Isumaginninnermut Inatsisinillu Atuutsitsinnermut Naalakkersuisoqarfiup ataaniippoq, naligiissitaanermullu suliassaqaqfik massakkut Peqqissutsimut Ilisimatusarnermullu Naalakkersuisoqarfiup ataaniilluni. Taamaattumik Isumaginninnermut Inatsisinillu Atuutsitsinnermut Naalakkersuisoqarfik Peqqissutsimut Ilisimatusarnermullu Naalakkersuisoqarfimmut § 37 naapertorlugu apeqqutip akineqarnissaanut qinnuiginnissimavoq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iniian@nanoq.gl
www.naalakkersuisut.gl

- 1. Angajoqqaat avittussanngortut assortuussutigigajuttarpaat kiap sorliup angajoqqaatut oqartussaaneq tigussaneraa. Pisartut tamakku eqqarsaatigalugit aalajangiisarnert qarnormita agguataaqqappat? Pisuni qanoq amerlatigisuni: Angajoqqaat tamarmik oqartussaaneermik tuneqartarpat? Anaanaq angajoqqaatut oqartussanngortinneqartarpa? Ataataq angajoqqaatut oqartussanngortinneqartarpa?**

Apeqqutip taassuma akinissaanut Isumaginninnermut Inatsisinillu Atuutsitsinnermut Naalakkersuisoqarfiup Kalaallit Nunaanni Eqqartuussiviit ilassuteqarnissaat siunertaralugu attaveqarfigisimavaa, taakkumi angajoqqaat isumaqatigiissinnaajunnaaraangata angajoqqaatut akisussaaneq pillugu apeqquut aalajangiiffigisarmassuk.

Kalaallit Nunaanni Eqqartuussiviit ima akissuteqarput:

"Angajoqqaatut akisussaaneermik suliat pillugit paasissutissat piumasarineqartut suli qarasaasiatigoortumik eqqartuussivimmi pilersinneqarsimangillat.

Paasissutissat piumasarineqartut naniniarlugit eqqartuussiviit tamarmik namminneerlutik suliat tigussaasut tamarluinnaasa misissuiffiginissaat pisariaqassaaq. Piffissartornartorujussuussaaq, massakkullu taanna piffissaq piginngilarput. Kisitsisitigulli paasissutissat soqutiginnarmata, piffissami ungasinnerusumi misissorumaarparput."

- 2. Apeqqummut 1-mut akissutit tunngavigalugit Naalakkersuisunut nalileqquneqarpoq, naapertuilluartumik agguaneq pisarnerseq, suaassutsit assigiimmik pineqarnissaannut anersaaqarneq tunngavigalugu?**

Peqqissutsimut Iisimatusarnermullu Naalackersuisoqarfik apeqqummut 2-mut akissummut ilassuteqarpoq. Imatullu akissuteqarput:

“Apeqqummi 1-imi akissutit tunngavigalugit kisitsisitigut paasissutissaateqannginneq pissutigalugu, arnat angutillu akornanni naapertuilluartumik agguaassisoqartarnersoq Naalackersuisunit naliliiffigineqarnissaa periarfissaqanngilaq. § 37 naapertorlugu apeqqummut 2018-81-mut akissuteqaat, ataatat kisimiittut atugaat pillugit Partii Naleqqamiit apeqqutigineqartut, Naalackersuisut innersuussutigissavaat.

3. Naalackersuisut suliamut tunngatillugu allanik soqutiginaateqarsinnaasunik paasissutissiisinnaappat?

Angajoqqaatut oqartussaassuseqarneq pillugu inatsit Kalaallit Nunaanni 2016-imi atuutilerpoq. Angajoqqaatut ataatsimoorluni akisussaaneq inatsimmi ersarissumik tunngaviuvoq.

Angajoqqaatut oqartussaassuseqarneq pillugu sulianik takkuttoqartillugu, angajoqqaatut oqartussaassuseqarnermik tigusinissami illuatungeriit isumaqatigiinngitsillugit, inatsisitigut anaanaasut ataataasulluunniit annerusumik iluaquserneqarnissaanik aalajangersakkamik peqanngilaq, inatsimmi assigiinngisitsinissamik malittarisassaqanngimmat. Ataataasoq anaanaasorluunniit angajoqqaatut oqartussaassuseqassanersoq eqqartuussiviup aalajangertarpaa.

Inussiarnersumik inuulluaqqusillunga

Med yentig-hilsen



Anthon Frederiksen